

卓峰草堂詩鈔卷九

新晴曉行

曉雲寒未散春水暖初生野店花無語津橋樹有情誰
家放新燕一路換啼鶯去去憐飛絮隨風陌上行

醉題溪上樓

孤松何鬱鬱流水自悠悠寂寞客邊酒高寒溪上樓舉
頭望山月招手引漁舟竟欲沿流去分閒到鷺鷥

贈上杭米臞伯

高才仍理縣山擁一城青身欲比松瘦詩應許鶴聽天

卓峰草堂詩鈔

卷九

涯風雨榻客路短長亭且買杭川酒當春醉不醒

雨

未盡送春雨圍亭夏似秋倦眠時掃榻半醉獨登樓莽
莽一溪急蒼蒼千樹浮的應有歸思芳草滿汀洲

頽垣

小屋東頭住頽垣一帶斜無人上幽蘚窺客有閒花欲
藉疎籬補仍嫌遠岫遮飛飛雙蛺蝶隨意過鄰家

遊玉華洞

石瘦蒼苔古塵中有此山偶乘微雨歇來伴片雲閒過
客有餘想神仙何未還巖泉清自蓄莫去到人間

宜黃制符兆繪

天機
雪樵
藏

雨泊上洋口

望洋增歎息，作宦幾沈吟。雨趁孤帆暮，雲連積水陰。幽花斂香氣，芳草引歸心。今夜何由寐，猿聲在隔林。

水漲由延津至水口有述

瞬息二百里，長風浩起波。人前高浪立，船底亂峰多。其險也如此，不行將奈何。時大吏撥任巖邑促令受代臨流濯雙足，去踏蛟鼉。

晚次西溪

樹裏一鐘出，寺門生晚潮。晴花明佛閣，芳草暗官橋。老不知春好，愁惟仗酒澆。行行鞭嬾著，倍覺馬蹄遙。

卓峰草堂詩鈔

卷九

二

城樓晚眺

海天遲落照，樓閣倚高風。荒戍人烟斷，嚴城鼓角雄。羽書馳幕府，瓠子沒遺宮。慷慨忽流涕，憂時心膽同。

蟬

不平果何事，秋思滿天來。露飲終難潔，風吟只自哀。亂山圍古驛，獨樹表荒臺。老我塵中鬢，一青無再回。

宿蒜嶺驛

驛古晚涼動，樓高秋思多。海潮懸島嶼，山露墜星河。一覺旅人夢，百年勞者歌。如何江口樹，生意也婆娑。

野望

鳴鳴動關角吹落又斜陽殺氣橫千里生民困一方征
輸窮海內鎖鑰慎邊防更祝秋來稔閭閻有益藏
幾輩邀功早依然盜賊多山風號虎豹海月孕蛟鼉逐
肉猶如此決癘將奈何羣公愛眞士珍重禮爲羅
不破用人格奇功終孰成世充亦老嫗趙括本書生莽
莽沙蟲氣遙遙風鶴聲苗民復滋蔓節將又移營
巴蜀於天府荆襄控上游樓船利風下鏡鎖剪江收形
勝登高在羈柵望遠愁微官猶拓落爭用說封侯

鄉館七夕

新雨洗禾稼淡烟生薜蘿孤燈秋影瘦別館夜涼多苦

卓峰草堂詩鈔

卷九

三

語出蟲壁相思懸鵲河無端得惆悵歸夢到巖阿

福廬山龍頭洞石泉

洞壑閎幽深真源耐獨尋泉聲在山好石氣補雲陰淨
處不可唾冷然清到心何當風雨夜來聽老龍吟

海鄉雨望

酒興復詩興憑高當夕曛海風翻倒雨山石壓崩雲樹
密人烟聚潮平島嶼分蠻鄉習攻擊誰與細論文

晚次高山鄉館

已習風塵苦甯辭道里長天空厲鷹隼野澗縱牛羊橋
路荒秋水祠門倚夕陽今宵亦館夢慎莫到家鄉

樓夜

空濶三秋夜高寒百尺樓星河平檻落山海卷簾收事
易成今古身難決去留西風正淒厲吹白幾人頭

秋思

宦薄成何事天秋動遠情浮雲多暮色老樹作寒聲舟
楫曾思濟風波不可行舊書容再讀全我舉家清

獨坐

一蛩語階月獨坐覺秋深清露被蘭畹涼風生桂林所
思在遠道於世稀知音落落七絃上寥寥千載心

月夜憶福廬山僧寺

卓峰草堂詩鈔

卷九

四

鐘磬夜堂寂秋聲連上頭樓高星欲墮厓隱月能搜林
木隨僧老山猿導客游笑他巖石上斧鑿姓名留

憶龍頭洞之遊

斜陽不到處苔石生空寒我聽流泉坐門來野鶴看相
期拾瑤草便欲飯琅玕卽此屏塵事學仙應未難

月夜城南戍樓

涼月臨邊郡荒烟接戍樓依枝警烏鵲伏櫪誤驂騮天
地兵戈氣關山草木愁燕然誰勒石燕領自封侯

烏石山樓見亡友張亨甫題詩

歲月去滔滔當年客儘豪酒情到江濶詩興比樓高只

自悲羸馬何從策巨鼇金鏡讀書處滿目已蓬蒿初春過建甯曾訪其家

坊口旅館與陳灼庭懋烈同年話別

投策還相見流連坐夜深魚龍嘯江海烽火照山林冠氣

未靖湖北江西俱戒嚴此日足可惜卑官徒苦心濟時有何術別

路馬駸駸

再寄山中有人

山中相送罷音問隔年疎自是無來雁非關不寄書拾
薪應未免種竹近何如何日真歸去先期掃做廬

寄溪西道友

卓峰草堂詩鈔卷九

五

一身寄滄海萬感屬風波亦有肝腸在其如鬢髮何家
貧漏葑屋官罷補漁蓑閒寫黃庭換山陰道士鵝

雨後登樓憶友

地遠兵戈阻樓高風雨斜海潮荒萬竈山堞殷孤筓客
鬢年時雪詩情日暮霞江南好秋色紅煞戰場花

寄弟

寒吠柴門犬飢啼板屋鴉掃牀逢落葉酌酒對孤花書
許鄰家借文防俗客誇我空尋此味風雨悵天涯

憶福廬山之遊

偶然屏塵事半日記偷閒有寺皆通水無樓不到山琴

邊借石坐衣上帶雲還留得尋詩夢千巖萬壑間
鄉行寒甚

半醉上輿去一村又一村幸無盜賊警頗有雞豚喧徑
僻樹爭路關荒雲塞門消寒念故里臘酒已盈樽

題豆區園中石

武夷本多石散落如兒孫奇險滋他族精華聚此園樹
苔延古意池水濯孤根我坐眠雲洞風雷生洞門

曉行

盜賊牛天下一身胡敢安背人殘月落欺客曉風寒宦
味成雞肋人情笑鼠肝當歌忽慷慨行路古來難

卓峰草堂詩鈔

卷九

六

登釣龍臺

滔滔一江水江上有孤臺瘴雨寒仍集巒山鬱不開自
憐折腰吏終望出羣才亦解觀形勝浮沈付酒杯

舟中雜詩

流水去不息連山望無窮我來息塵鞅獨坐調絲桐昨
夜菱荷雨吹衣楊柳風扁舟依斷岸不覺俗懷空

山氣晚逾碧江光晴更空移船就明月獨酌來清風暗
語草蟲切忘機沙鳥同海天有詩境領取寂寥中

別淚分江水汽風困午天臥看偃隄樹閒泊候潮船孤
鳥斷雲際荒祠斜照邊又成今夜宿清夢隔花圓

日落蒼烟起鳥龍
江水流滔滔自終古
森森此孤舟
滄海望明月風波催白頭
無端撫身世擊楫耿懷憂

孤舟止復行涼意動深更
酒盡惜燈影夢回聞櫓聲
江湖萬里客花月半生名
落魄竟如此淒涼何限情

一白水天合涼涼鷗鷺羣
江心橋臥月山頂塔摩雲
成火重關閉樓笳四野聞
書生憂戰伐不寐到宵分

苦雨

雨勢久莫止重雲彌太陰
便疑大海溢能使衆峰沈
敗鼓哀疲馬殘屍颯冷禽
甲兵洗得未行坐獨愁吟

初秋旅夜

卓峰草堂詩鈔

卷九

七

羣動夜來息坐看河漢斜
風高幾處笛月墮半城笳
感激心徒切艱危鬢益華
干戈滿天地早是不思家

月夜城樓

鼓角頻驚夜星河半澹時
中天望明月邊地動涼颼
萬里枕戈士三年推轂師
貔貅閑坐擁報

主爾何遲

海上鯨鯢肆江南虎豹屯
傷心庾開府流涕鄭監門
竊恐徵輪盡難容皮骨存
漫漫此長夜石爛更何言

晚眺

落日蒼然遠獨來
登古城人烟成暮氣
天地變秋聲老

馬垂頭久飢鴻作意鳴可憐壯心盡賸有故鄉情
望月感懷

冷到鸞天月懷人獨倚闌魂隨關塞斷血照戰場乾城
影桃榔暗軍聲篳感寒死生幾同調零落泪空彈

歸思

碌碌成何事茫茫動旅愁關河頻向暮風雨早驚秋白
首悲歧路青瑣笑故侯老妻書一紙徒爾望歸休

諸子學問淺老夫衰病多謀生甯鹵莽未死定如何屋
小蝸堪寄門閒雀可羅正須十年讀我久歎蹉跎

辛苦念諸弟年荒家復貧低頭愧慈母開口向何人鄰

卓峰草堂詩鈔

卷九

八

里幸無恙溪山應有春勉旃守窮賤慎勿墮風塵

親故行稀少時艱望太平因循感人事存沒見交情豺
虎山中屋魚龍海上城百年渾擾擾身在亦堪驚

甲寅人日

盜賊無安土風塵有病身堪悲萬種事又是一年人天
地龍蛇蝥湖山燕雀春老夫詩滅興花柳漫精神

春感

微雨不濕地閒雲空上天悠悠果何事岌岌到今年世
變故難測鄉心尤可憐側聞瑞洪水雪色照戈鋌

遷徙無常處飢寒得幾時猶將急徵調孰與撫瘡痍白

日終懸照蒼生實可悲艱危古亦有覆轍悔何遲
恐難消劫運何以答昇平不解收王猛唯聞厭禰衡糊
塗非小事漂泊信今生早是飢驅我難安隴上耕
非仕亦非隱卅年衣有塵可憐座上客猶是眼中人既
歷風波險不知江海春瘴烟蠻雨路日暮更迷津

聞江弢叔武夷之遊

我嘗騎白鹿高揖武夷君半嶺忽逢雨滿身都是雲仙
人所種薜爾去撥遺芬倍使塵心淨疎鐘坐後聞
友人李月樓遇難後不得遺屍復此弔之

到底拋殘骨得歸先隴無才高能激烈志決殉馳驅風

卓峰草堂詩鈔

卷九

九

雨猶吟筆山河竟酒壚滇南天萬里斜日冷平蕪

端午

新蒲忽在眼醉倒一尊前不易有今日最難思去年山
雲齊到地江漲欲浮天尙肆蛟鼉惡淒涼間渡船

東龔藹仁

易圖
秀才

綠菴一池幽讀書池上樓伴吟松自古當暑竹能秋我
亦忘塵事時猶作臥遊故山有猿鶴卻怪未歸休

漫感

轉戰傷千里卑栖負一官五更山雨大六月海風寒馬
齒年徒長龍鍾泪不乾似聞捷書至失喜望長安

病鶴

羣中乃骨立，寂處此聲寒。明月來相照，青雲眼倦看。愁生滄海易，夢到故山難。得食爭雞鶩，躊躇未忍餐。

病馬

備嘗到艱苦，况乃老難行。此志豈千里，驕嘶時一聲。圍人那解惜，天子不知名。骨朽能高價，傷哉死勝生。

晚涼柬林子魚

晚林暑氣薄，坐覺虛堂深。新月樹梢出，照君窗下吟。蟲聲助太息，螢火相迫尋。得句卽寒瘦，證之郊島心。

案頭供蘭花一枝詩以贈之

卓峰草堂詩鈔

卷九

十

衆草自蕪穢，隨風香遠聞。閉門伴幽獨，展卷得清芬。徑曲有流水，山深多白雲。相思闌采采，夢只寄夫君。

初秋夜坐

客思當秋盛，炎歎向夕微。片雲橫漠過，驟雨雜星飛。已掃花前榻，仍添酒後衣。平時二三友，時復歎荆扉。

夜坐有懷玉尺山房卽柬葉龔二子

園亭半日坐，心上有餘清。愛爾讀書處，照人新月明。水螢分夜色，風葉助秋聲。予亦謝塵事，微涼窗下生。

柬高樹人

老去高常侍，狂歌憶孟諸。至今隨燕雀，無計返樵漁。邊

微秋風動關城落照虛異鄉幾相見尊酒意何如

鼓山紀遊

憇東際橋

作吏本知俗尋山仍見招曉雲低野樹秋水斷溪橋茶
味僧寮得詩心佛地超纖塵何處著萬籟莽蕭蕭

去圓通菴

山迴疑路盡忽打上方鐘雲氣合諸澗雨聲來萬松隨
樵得古徑別衲携孤筇仰面森然立心知劣削峰

由駐錫亭至喝水巖

徑僻長疑雨巖深半是雲山從隔竹見水向孤亭分瘦
卓峰草堂詩鈔卷九

十一

石自能立高松如不羣境奇搜未遍惆悵欲斜曛

由喝水巖至水雲亭

幽奧得清曠天迴石罅中大江秋水盛絕壑夕陽通樹
密圍孤磬雲開見遠鴻荒荒亭子上闌檻倚高風

白雲堂待月有懷徐稼生編修

向夕禪關掩山颺竹裏啼飢來飯香積秋冷宿招提海
月隨鐘上巖雲借榻栖故人在何處舊壁看留題

白雲堂曉起

一夜深山宿山寒到骨知鐘來催夢早雲起比人遲携
屐越諸澗剔苔搜古碑天風鳴石鼓壓住海潮時

訪竹巖和尚不值

僧家無別營齋誦有餘清山意暮雲遠寺寒秋雨生竹
陰添石氣松響答泉聲難作烟霞伴尋師空復情

靈源洞

日斜古洞陰屈折泉堪尋寒已到山骨清能兼道心莓
苔孤鶴守風雨老龍吟捫石得歸路蟾輝生遠岑

臨滄亭待月

落葉聲不斷聞鐘路可尋秋風動海色孤月抱山心島
嶼浮空澗烟霞洞古今興來畫蘚壁聊記此登臨

白雲堂夜坐

卓峰草堂詩鈔

卷九

三

秋燈山半寺獨坐愛空庭萬壑過疎雨一峰圍眾星樹
寒孤颯颯泉響徧冷泠自是塵難到禪堂不用局

別湧泉寺

寺在白雲外高低圍亂峰雞鳴半山月猿聽下巖鐘幽
意忽不愜浮生安所從臆誇腰腳健踏徧萬芙蓉

歸憇來雲寺

森森萬松樹一徑破蒼苔落日孤猿叫秋風獨鶴迴曾
題幾洞壑此去又塵埃幸有看山福無嫌吏不才

讀林子魚舊遊鼓山諸詩題後

屐齒未到處山情紙上深悠然白雲起暢以孤桐音繼

鶴招能下猿猱不可尋秋堂點燈坐我和夜蛩吟

草堂坐月憶鼓山之遊

草露蛩啼早茶烟鶴睡遲如何明月夜不似在山時萬壑冷將雪一鐘清到詩他年問歸處合與老僧期

約子魚再遊鼓山

應官亦未免約伴尋前山爲計塵中客能餘幾日閒苔寒深石路松響出雲關卻笑巖邊瀑奔流竟不還

夢遊鼓山得走雲十字因足成之

夜秋涼已生夢去作山行舊侶方重約新詩復偶成走雲爭月路立石拗泉聲此境如長住平將百不平

卓峰草堂詩鈔

卷九

三

秋夕

雁響落南州烏啼海上樓西風生旅夜明月照邊秋鬢髮多時改干戈何日休萬家砧杵動觸忤又鄉愁

城南晚歸

幸此未凋傲人烟生望中陂塘明夕照林木偃秋風苦戰事戎馬新寒驚旅鴻居閒仍食息不怨暮途窮

夜登烏石山候月

崎嶇路不盡古石行高秋江海酬雙淚星辰戴滿頭冲霄爭鶴鶴宿野感飈飈鳴咽復鳴咽笛聲何處樓

寄祝蓮旭

相思本無極況在寂寥中別館坐秋雨涼天聞遠鴻江
湖寒太甚詩酒老難同得罷一官去食貧甘所終

漫感

十載滄江上生涯奈老何更容尋捷徑前路已無多門
冷辭車馬山深長薜蘿故人書一紙猶遣慎風波

明遠樓晚眺

時襄陽郡試卷住
貢院因登此樓

落日鳥邊下北風江上寒昔年有狂客不敢恥微官名
豈文章著心知遇合難白頭無藉在欲下重憑欄

暮秋與少香丈夜話

落葉殘秋急高齋此夕閒一燈啼絡緯兩客話家山水

卓峰草堂詩鈔

卷九

古

竹鄰堪卜風霜鬢已斑寒林有栖鳥日暮盡知還

李補堂席上大醉作

太白醉死後人間空月明何期有今日歡笑得生平霜
肅邊烽氣風搖戍鼓聲不成便埋我羈旅若爲情

喜江弢叔至

人境結廬久門關寒雨深梅花迎臘酒苔蘚積牆陰客
至一掃榻予閒方鼓琴不辭重拂拭所感爲知音

春感

的的瘡痍甚蕭蕭鬢髮蒼謀身無善策入世有何長盜
賊偷生久閭閻送死忙南鄰競絲竹排日醉壺觴

歌舞昇平日湖山春寂然浪籌轉舟粟早報匱緡錢孤
瞰篝邊火狼荒成外烟不須論後日今便是何年

狡兔仍謀窟羝羊每觸藩九原幾知己一酌爲招魂生
死無多別榮枯更莫論花開連夜雨惆悵夢江村

久絕生還望聊安服食身閒栽荔支樹譬是福州人烏
石山含笑螺江水漫春惜無千日酒醒眼卻沾巾

奉送徐樹人

宗幹

廉訪入

覲

惆悵復惆悵送公兼送春心緣感知己眼見去斯人風
雨虹橋舫干戈驛路塵間閭多疾苦幸得達

楓宸

卓峰草堂詩鈔

卷九

五

送表弟陳際可歸里

去去莫回顧異鄉空好春落花添別路芳草暗前津薄
海艱難日微官老病身轉憐倦遊者徒作欲歸人

晚登西城憶少翁

落日暮天遠浮雲滄海孤舟行抵何處酒罷感今吾白
首交情重青山道路殊歸飛晚來急關樹又栖烏

壻祥麟至

五載不相見歸思有萬端爾來慰衰老官不救飢寒親
故行稀少家書已怕看風波兼盜賊行路始知難

憶江叟叔

流落愈堪念天涯尊酒同故人別幾日庭樹生秋風岫
遠參差碧花寒寂寞紅交親閒默數多在亂雜中

暮秋建陽城樓

蒼生未蘇息盜賊益縱橫已制三年泪仍專百里城朔
風吹短髮寒日動危旌恍惚黃沙外蕭蕭戰馬鳴

以事至郡途中遇雨

碌碌携行李遲遲指建州溪光連野暮山氣壓城秋已
近題糕節難爲載酒遊自緣寒太甚風雨便生愁

由郡城歸途次偶述

塵事何時了歸裝又趁程溪流石欲轉山氣雨初成荒
卓峰草堂詩鈔卷九

六

戎藏篝火寒城出角聲曾無濟時術敢憚路難行

得歐甯左掖門

垣同年書卻寄

白首憐知己青燈伴故人

以事至郡
屢同夜坐

書還望兒讀官不

補家貧且飲建溪水待清滄海塵挂冠亦未晚先喜得

芳鄰

約結鄰
百花洲

鄉館漫成

世事了可見自憐猶不歸非關戀簪紱無計返荆扉比
屋藤蘿接空庭月露微一官苦拘束術况與時違

雨中送秋

萬念集孤館况茲秋又殘雲低常欲暮雨細更添寒歸

去亦不易久留良復難芙蓉晚同醉花下一欄干

篠嶺鄉館題壁

不放斜陽盡千林葉已黃閒携看山酒偶憇讀書牀幽
蘚足爲伴寒花時有香夜來破詩夢巖岫徧生涼

欲尋白巖寺不果

咫尺白巖寺高僧悵不逢開門將看雪隔水但聞鐘入
世何多事爲官早欲慵待尋著書伴風雨種長松

林子魚携同人遊鼓山詩刻本見示振觸舊遊復

成一律

記穿萬松樹仰面落孤峰雲氣盪衣帶天風迴鼓鐘禪

卓峰草堂詩鈔

卷九

七

關殊了了塵海渺重重見說鑄巖處秋苔字又封

登江河樓

眼底滔滔甚登樓手一杯江河愁日下風雨挾秋來浪
說關城險慙非舟楫材從誰重問卜懷古有餘哀

將口鄉館

尙爲催科到官卑難自由山雲衣半濕溪雨樹全秋塵
夢有時覺吾生何所求正難問天意未肯甲兵休

太息一首別蓮旭

天意容羣盜人情笑老夫蠻山雲不斷瘴海月逾孤太
息子復去亂離家在無但能歸便好更莫說窮途

得岳州友人書

涼風生楚澤，湖樹已先秋。
日暮湘娥泣，烟波羈客愁。
一書來遠道，十載憶前遊。
的有題詩處，巴陵舊酒樓。

寓館示惺園

歲晚風霜迫，時艱老病增。
三杯禦寒酒，一盞讀書燈。
託業本難恃，忘情殊未能。
朝來有鄉信，倍使涕沾膺。
亂離聚復散，消息假還真。
不忍思家事，相看亦幸人。
烽烟連嶺嶠，行旅斷關津。
未有絲毫補，傷哉蟣蝨臣。

枯樹

到此菁華竭，蕭條萬古情。
勞生奇鬼搏，舊蔭暝人驚。
雨卓峰草堂詩鈔卷九

九

露恩終負風，霜氣未平江。
南無可賦愁，煞庾蘭成。

殘菊

培植亦既久，開運甯自傷。
猶思堅晚節，不盡感餘香。
風雨寒逾甚，山林老未忘。
他時得歸去，三徑恐全荒。

落月

曉哭千家動，危樓一角孤。
荒江圖古堞，落月叫寒烏。
身世艱難甚，親朋好在無。
多時斷鄉信，不復夢菰蒲。

落日

比屋霰先集，連山雲不開。
憂時罷尊酒，落日上層臺。
天地孤鷹迥，塵沙萬馬哀。
回頭見殘骨，老淚灑荒萊。

歲暮述懷

一歲又將暮勞勞無了期

時自建陽移居建郡

風霜知節苦筋力

就時衰落葉下荒成斜陽明古祠
巡檐撫梅樹寒在最
高枝

早春鄉思

感蹙悲生事蕭蕭閱歲華
夜來足春雨牆角見桃花
豈是甘爲客而能不憶家
便容作田父何處問桑麻

索居

不復望鄉信老懷聊自寬
官閒容僕懶兒小當孫看過
雨竹陰靜午烟苔徑寒
索居溫舊卷頭白一長嘆

卓峰草堂詩鈔卷九

九

建溪雨後曉望

一夜瀟瀟雨寒生
戰士袍春田厭膏血
曉嶺暗旌旄野鼠穿墉急
林猿失木號可憐
一溪水竟欲作波濤

携家東下漫成

愁外舊山在眼前
新水生時時子規
叫慘慘客舟行歡
笑憐兒女衰顏
感弟兄一官十三載
所事竟何成

卓峰草堂詩鈔卷十

宜黃 符兆綸 雪樵

閒居漫述

鬱鬱懷千古悠悠送一生居然成老大敢復竊聲名世
路傷心極家山望眼驚如何善籌策安穩得歸耕
長晝閒方覺深居嬾亦宜健充嬌妾役寬作稚兒師穀
值荒年貴花緣閏月遲絲陰來往熟舊識有黃鸝
且得到今日因之懷故人江山供獨酌風雨送殘春窮
巷無車轍高樓有榻塵何時成一笑蘿月共爲鄰
富貴思之熟儒冠誤已多百年愁鹵莽萬感欲如何踴

卓峰草堂詩鈔卷十

一

躍從投筆艱難負枕戈惟憑兩行淚一弔古山河

南臺晚望

惆悵一江水浮屍滾滾來魚龍太游戲烏鳥亦悲哀俯
仰成何事飄零愧不才晚城風雨惡獨自下荒臺

寓館雨後見月既而復雨輒述

入夏乃多雨况當戈甲紛危樓乍得月衆嶺尙霾雲士
卒扶創甚風塵轉餉勤暫容輕瘴癘會見豁妖氛
萬家冷厨竈百里莽荆榛已少全生術將無不死人當
關逢黑肯夾道走青燐爲語今如此皇天匪不仁
賈生徒痛哭王粲賸悲哀孰諒言無罪須知禍有胎黃

金烈火盡白骨劫塵堆更奈山城角吹將暮氣來

俯仰高臺上茫茫萬古愁山河雄大地風雨變滄洲元

氣何由復蒼生那得休家鄉亦蕩盡倍覺此生浮

弔孫蘭皋

翹江

同年

雲南人乙未進士福建邵武知縣城破殉節

倉卒棄孤城誰談紙上兵

大吏督兵防守賊至頃刻城破

再生原鄭重

君言前身事甚悉

一死甚分明志潔蠅難玷魂歸鶴有聲逢君

更何處野草漫縱橫

曠晴

林鳩爭穀穀積雨曉來晴掃徑薜還合閉門松自清閒

真成癩癬老不避狂名昨日見山客山田知廢耕

卓峰草堂詩鈔

卷十

二

登烏石山

年衰筋力減信步一登攀怪石常爭路高雲不傍山邊

聲動遠塞暮氣接諸蠻日落松濤起詩心絕壑間

雨後偕惺園過六一泉卻憶池上草堂

一雨定荷香微風水榭涼便看楊柳長猶及荔支嘗卻

憶十年別每憐三徑荒兵戈無恙否池上舊書堂

題宋生己舟詩卷

殘月曉風後地荒天老年不逢鄭少谷曾弔柳屯田

亦生

善倚聲

今子解歌哭古情生管絃無將換勲業覽鏡未華

顛

六一泉池亭

好風如雅士坐使襟塵開
只向酒邊去數尋池上來
竹梧各閒淡鷗鷺方徘徊
予興亦不盡前峰斜照頽

立秋日大雨

盜賊久不息蠻天秋又來
關山莽蕭瑟風雨雜悲哀
薄宦嗟蓬梗遺黎困草萊
鄉書十月斷懷抱若爲開

雨後得月

盲風怪雨後海月蕭然生
照見幾家屋淒涼千種情
明蟾莫更翳烏鵲本多驚
不解候蟲語終宵亦不平

初秋鄉思

卓峰草堂詩鈔

卷十

三

世路日逾促病身行復休
西風動南劍明月墮東甌
客夢寒先雨鄉書望到秋
白頭雙淚盡不上郡西樓

送人之汀州

亂後人烟少汀州草自生
關山橫夕照天地浩秋聲
尙假妖狐讖徒歌義鵲行
今朝一杯酒淒斷若爲情

寄家信

一書聊復寄徧地是桂苻
澤雁聲同苦城烏尾畢逋
秋雲斷關嶺冷月見江湖
辛苦全生生命長鑣可託無

秋夕憶故園兄弟

秋氣在窮巷閒庭生晚涼
莓苔老更綠梧葉墮先黃
不

寐坐迺夜無聊思故鄉南來有鴻雁零落不成行

傳聞故鄉賊退

飛鳥斷杉陽關雲夕照黃西風吹旅夢連夜到江鄉見
說爲鵝鸛成羣逐虎狼猶難問妻子淚下忽沾裳

閒居偶述

東海窮居士西江老布衣官微本易去時竟家近卻難
歸草木關城暗兵戈將士肥定誰籌遠略一爲變危機

登鄰霄臺

局促不可耐浩歌携酒來憑高轉蕭瑟懷抱若爲開落
日紅沈海秋雲白上臺悠悠千載意松吹有餘哀

卓峰草堂詩鈔卷十

四

丁巳九月內子生日志感

昨朝鄉信到知爾尙生存歲月逢多難飢寒不足論秋
雲荒嶺嶠暮雨暗江村望眼空千里垂垂只淚痕
別又七年久平生離恨多深山容虎豹大海肆蛟鼉覺
我生如寄嗟卿老奈何棠陰舊村路知否得重過

惺園弟歸里詩以送之

此去宜無恙重逢未可知一杯和淚酒滿篋憶家詩委
地孤花早歸山倦鳥遲空堂風雨夜想有夢來時

晤林子魚卽別

生事逢多故勞勞那得休相看亦漸老爲別轉添愁江

海天仍暮關山地盡秋儒生厯時務且去客諸侯
送人之邵武

秋色冷孤戍獨行知路長樵川九曲水鳴咽斷人腸
爾酒邊劍淒其雪與霜轉添懷古恨丞相剩祠堂

贈友人

何處有堅城書生困請纓酒邊孤劍在詩外大江橫日
暮關河氣秋風天地聲猶須君作健我老望昇平

梅花

門小鶴易守暮天如此寒美人處幽獨遙夜起長歎烟
月消磨甚冰霜結搆完蕭然古懷抱笛處一闌干

卓峰草堂詩鈔

卷十

春望

五

羈思恒千里春光又一年湖山閒淡日風雨別離天故
國猶兵馬荒城自管絃欲勞幾晴鳥叫暖萬家烟

春作詩會贈席間諸子

謝枚如明經

默坐衆喧外詩心高百層名山自千卷瘴海此孤燈才
欲敵明遠心知師杜陵萬鈞艱鉅荷我老力難勝

梁禮堂孝廉

往者江波叔期之第一流朋歡留海上詩夢到蘇州
禮堂
時將
吳遊
風雨携孤劍江山擁傲裘從軍異王粲不用賦登

樓

林錫三明經

半畝詩人宅三山處士家瘦真比楊柳清已到梅花子
豈長貧賤吾真負歲華新篇看總好值得老夫誇

宋己舟秀才

躡履逢高會言琴得古歡春風望紅杏舊雨種幽蘭十
載蹉跎易千秋撥置難海天莽空濶詩思入憑欄

春雨獨坐

陰晴渾不定驟暖忽嚴寒樹暗連城郭苔生過井幹有
詩尋不得無酒醒良難今歲又孤負山家早韭盤

卓峰草堂詩鈔卷十

六

謝枚如以劉芑川

家謀

同年學博遺詩見示

袞袞登臺省廣文官鄭公文章傳海外事業在山中出
處有本末死生無異同九原書一紙熱血灑何窮

別院

閒行過別院緩步惜幽苔一鳥啼還歇前峰雨欲來春
寒餘料峭舊事儘低徊卻怪無人賞孤花亦自開

八第至

今朝真見爾三載渺愁予

故鄉陷賊已三年矣

不覺轉嗚咽何時

方掃除依稀記顏面約略說田廬未死心猶在平生願
已虛

孤雲

曾是絕依倚浮生安所之可憐天路遠只覺世途危草
莽真無狀蒼茫自詠詩早知終落落何似在山時

胡小牧寓齋池亭晚坐

塵外好池館况茲池上亭餘霞暮天迥落日遠峰青
樹放詩筆小牧近將園中雜樹芟去種花香酒瓶便疑莊與惠魚樂

共忘形

吳伯鈞春明話別圖

一片長安月依然照酒樓別來滄海事坐對越山秋境
過都如夢圖存且當游平生閒默數白盡幾人頭

卓峰草堂詩鈔

卷十

七

八弟紳入官詩以勗之

風雨去柴門關雲黯別魂爾須供子職我已負親恩報
國文章小傷時盜賊存故鄉幸無恙往事豈堪論
十載風塵吏空餘泪滿衣安危殊未料衰病且難歸勉
爾承勞苦慎之區瘠肥留心物必濟莫說一官微
讀書本家世翻怪作貲郎此職古人有其毋先德忘陶
鎔出風雅根柢及詞章讀到梅花賦堪知鍊石腸

登臺

世人枉欲殺而我本無才雨雪寒如此山川瘴不開尋
閒初罷職扶病強登臺輒復望親故鄉書無雁來

編詩

編詩得幾卷撫此亦堪悲心血枯將盡飢寒老不辭宦情卽莫淡吾輩且奚爲剩有閒風月欣然手一危

寄懷江弢叔

安危殊未料離別況堪悲風雨懷人處山川罷酒時百年渾得過萬感復何爲報爾足相慰無官還有詩

秋夕

河漢挂危樓雲將晚雨收餘生草木變何日甲兵休千里斷鄉信三年增旅愁豆燈紅老屋夢見一悲秋

六一泉納涼

卓峰草堂詩鈔

卷十

八

雨微荷氣涼白鳥下橫塘時有好風至助之秋水香闌干生遠思衣袖帶斜陽城笛晚相喚興隨歸路長

中秋不見月

黯黯雲陰落茫茫客感投空懸萬家望直負一年秋笳鼓喧南國笙歌醉列侯不眠倚桂樹自卜小山幽

懷吳鏡泉

蒹葭不自守摧折意何如白首逢多難青山負著書播遷偕子婦淪落到樵漁日暮關城杳風寒秋柳疎

懷祝蓮旭

飄零在何處離亂更堪悲竟作無家別偏當欲老時星

霜酬短劍風月賸殘詩底用說生計安危仍未期

月夜

室小有餘清况當秋夜晴風疑陋巷冷月在我家明老
許耽詩酒貧能養性情卻除灌園叟不擬話生平

窮巷

窮巷下秋陰暮寒生竹林養閒得書味多病損詩心濁
酒甕頭滿蒼苔門外深步擱望新月輒復待歸禽

秋別

匹馬南旋北孤鴻控復搏秋風大梁落暮雪灞陵寒貴
賤交情見安危世路難隨身幾點淚數向酒邊彈

卓峰草堂詩鈔

卷十

九

喜張煥堂司馬自臺灣至

一別十三載相思有萬端雲帆轉滄海風月換雕欄世
路干戈定生涯酒盞寬自知老無用雙鬢任凋殘

竹

徑轉曲復曲門關深更深蕭蕭風雨處耿耿雪霜心清
欲待雛鳳調常悲古琴此君殊落寞自少俗人尋

望月

獨夜覽明月鄉心并在樓可憐困東國未暇問南州磅
礴海山氣蒼涼今古愁料應羞照見白盡旅人頭

生涯

盜賊年年在生涯事事難
刪詩嚴盪寇得酒勝還官竹
淡自然瘦梅疎何必寒海天
笳吹外一笛倚闌干

梅

庭階夜寥寂乍放幾枝梅
月色此時好笛聲何處來自
誰故山宅誰勸看花杯千里
望鄉國曉寒江上臺

故鄉

年老困羈旅悄然悲故鄉
雞豚盡徵稅丁壯半逃亡舊
路暗荒草空村明夕陽得歸
赴茅屋一倍感滄桑

喜王子符大令至自歸化

醉起唱刀環橫衝虎豹關
山河判死別天地許生還耿
卓峰草堂詩鈔 卷十

十

耿心徒在蕭蕭鬢其斑何當
携鏡笛雲氣破諸蠻

早春瑞兒歸里感成

行旅興蕭然心傷路一千

兒以貧故
徒步而歸

萬山橫雨雪百道

洗烽烟我老已無用生存仍
可憐何時事漁釣放眼看
江天

春日東少香丈

休說亂離苦生存能幾人將
詩聊過日扶病強尋春水
竹幸無恙溪山廬結鄰不堪
指老眼西望尙風塵

春日坐雨東米臞伯

檐聲寒更滴不寐想應同兀
坐夜何永回頭春已空鄰

花紅蔽蔽巷草綠芄芄相與閉門久居然成老翁

春陰

孤花未肯放衆草已潛生聽盡昨宵雨心期今日晴閒
愁分客燕好語謝鄰鶯轉怕驚容鬢尋春水畔行

讀山谷詩集偶題

戛然古鐘磬里耳何能諧照以光明藏抱茲冰雪懷其
人疑漫浪此派斷津涯領古生新意公言良自佳集中
幹馬因論李伯時畫天馬詩云領略
古法生新奇竊謂此語足該其全詩

憶內

不見又十載蕭條悲故林貧窮雖有命衰病總關心一

卓峰草堂詩鈔

卷十

十一

室客愁滿千山歸夢沈明明偕隱約負汝到如今

憶次兒魯

兒久客
山左

長大各分散老堪無所依衰頹予不免貧賤爾須歸况
甚亂離苦每憐音信稀嗷嗷稻梁雁不作一行飛

漫興

白髮嘆何益青燈淒以寒風波行處有書卷坐來看此
日尙可惜於時良獨難閒居漫栽竹藉爾報平安
閉戶倏春晚卷簾初晝長老難堪世事詩只說家常幽
蘚足新雨霽花明夕陽出遊仍未果腰腳費商量

詠酒壺

江海滔滔勢乾坤落落胸不妨吾竟醉只覺爾能容花
月無多豔神仙悵不逢身悶藏也得我老定誰從

社日

何方能拯亂此酒不治聾

近頗重聽

人早無安土詩多近變

風生涯依客燕歲月付雕蟲昨有山中信雞豚亦併空

叔安新製竹筍遞詩爲題一律

檐噪一烏鵲門來雙鯉魚白頭異鄉伴青眼故人書辛

苦知何益收藏幸有餘猶遲來看竹

叔安不長於足多時杜門

風雨

滿吾廬

獨酌

卓峰草堂詩鈔

卷十

三

獨酌不成醉餘寒猶戀春花開殊造次樹老益輪囷友

亦戒貪嬾官原思補貧而今足一笑漫與酒爲鄰

重有感

江海滔滔日荆榛莽莽秋更誰傾赤膽特起奮蒼頭民

困生何益官窮死卽休紛紛爭炙手半爛說封侯

丁巳戊午之歲賊來寇閩郡縣往往望風而遁崇安

莫勵堂大令素得士民心相與嬰城固守賊不能攻

途去犯鄰邑勵堂與士民約整齊兵勇自成一隊且

爲鄰境援久之糧盡而賊來益衆城陷勵堂死之閩

守土官死賊者亦不乏人惟延平守金穀生光澤令

蔣一樵及勵堂盡瘁其事皆以矢亡援絕奮不顧身

尤烈云
詠白海棠

迎春早薄粧庭院似秋涼不必爾垂淚自然人斷腸晚
桃窺半醉幽草助微香倚著真無賴東窗白玉牀

王子符見過

相識本無幾得閒常見尊貧惟存傲骨老已淡名心白
晝坐來永青春行且深鄰家有好樹分綠作庭陰

三月四日高樹人招同陳灼庭飲時灼庭將入都

樹人將于役建州卽以爲別

白髮何辭醉青春又欲歸眼看新草長心惜故人稀恩
重酬孤劍交深戀布衣酒酣可以起去去望驂駢

月夜

卓峰草堂詩鈔

卷十

三

照酒幾花枝佳人殊未期一年春盡處千里月明時夢
去猶嫌遠書來每怪遲青天碧海路耿耿繫相思

喜雨

淫淫三日雨萬物有生機樓上山先笑田中水漸肥三
農堪不廢兩稅幸無違爲語賢桑孔秋毫慎析微

初夏柬臞伯

與春本無分春去又何如歲月輕耽酒窮愁懶著書全
家寄荒徼幾載缺邊儲且愛門前柳風來腰自舒

雨後過慶城寺訪鑑翁

斜陽轉幽徑片雨過前山如我本無事得君相伴閒花

香侵臥榻鐘冷出禪關清坐不知久方將乘月還

日暮

巷曲迴車馬門閒長薜蘿生原知己少死已故人多花
外夕陽盡竹邊疎雨過遙遙望千載日暮意如何

得江叟叔湖中書

不寄有書意書來顏益開深心託毫素放眼出塵埃峰
勢立馬卓濤聲遺弩哀山川含鬱勃稱爾好詩才

庭前樹

匠石棄之去庶幾全不材門閒書常閉窗暗夕猶開花
外見螢過葉邊聞雨來蕭然此懷抱撫爾一徘徊

卓峰草堂詩鈔

卷十

十四

聞友人羅檀勳授蒙里中感賦卻寄

貧減先生饒老爲童子師冬烘知不免末路竟如斯喪
亂餘生在江湖返權遲罷官讀論語亦課七齡兒

雨勢不止慨然飲酒柬諸同志

一雨徹晝夜竹秋生早寒纔餘詩味淡轉覺酒腸寬天
意渺難測宦情都欲闌卻嫌醉易醒世事眼中看

咏花

寂寞芳時節青鷗悵獨聞春陰常欲雨曉夢不離雲盡
日關深院無人弔古墳斑斑湘竹淚一半與君分

梨花

石家有金谷楚楚見花枝一碧無情處千紅爛醉時鳴

蛸殊未已去蝶更何之芳草年年綠羅裙欲妬誰

榴花

微步隔簾波盈盈奈爾何香籠雲母帳艷助雪兒歌瑣

屑刪脂粉嬌敢戀綺羅夜情金屋重開到並頭多

茉莉

翡翠閒相伴鴛鴦夢莫尋牛塘秋淡淡一水夕沈沈風

露含餘恨汚泥見此心微波辭漫託惆悵到如今

蓮花

別雷素濤

卽此一尊酒暫時相和歌秋風動天地夕照滿關河財
賦東南盡蓬蒿遠近多雜聲促行旅倦客意如何

月夜

月出成樓明秋高畫角聲蕭條正無極感歎若爲平三

卓峰草堂詩鈔

卷十

五

黜困柳下五噫辭漢京漫漫此長夜懷古一含情

南樓再與素濤別

斜陽易黯淡去鳥自分明山勢羣趨海潮聲遠入城登
樓見今古說劍盡生平白髮幾人在別離安可輕

秋夜

良宵空自永明月與誰期爲感秋蕭索况當人別離窗
虛花氣入楊冷竹陰移惆悵直至曉夢酣無幾時

別感

故人在何處獨酌正含情條爾山雲變蕭然海月生樹
猶如此老蟬亦不平鳴落落識秋意寥寥悲遠行

漫興

莓苔秋更綠，茜萼晚來香。
簾卷逢疎雨，廊虛到夕陽。
曉梳憐髮脫，宵坐覺燈涼。
獨醒知無味，頽然盡一觴。

門人王煦甫 桐 歸自都門晤而有作

家貧離別輕，十載誤微名。
老我未卽死，逢君如隔生。
滄溟困鯨力，風雨感雞鳴。
且可淡塵慮，故山秋正清。

閉門

閉門養秋氣，獨坐見詩心。
落落碧苔院，蒼蒼修竹林。
適來有明月，餘興託孤琴。
誰道七絃上，古懷如許深。

擬杜

卓峰草堂詩鈔

卷十

六

盜賊適多故，好官攘市人。
詩書道遂喪，金鐵氣皆申。
利事從茲析，流風那得淳。
滔滔此江海，不洗眼中塵。

暮別

夜火明江岸，秋風放客船。
青山烏榜外，紅燭白鷗前。
烟月魂銷久，琴尊意惘然。
何煩更拘束，情事異中年。

樓夜

月好偏沈水，雲輕偶出山。
蹉跎成白首，飄泊愧紅顏。
箏語琴心外，河橫漢直間。
願隨鸞鶴去，金闕點朝班。

病夜

不折此腰久，病胡重見侵。
艱難一衽席，轉側萬呻吟。
蛩

咽得秋早燈涼知夜深無端驚便捷五嶽夢中尋

小樓

雲淨月華流涼風在小樓淒淒絨扇棄戀戀葛衣留河漢三更直江湖滿地浮生涯兼老病漸欲不勝秋

偶感

茫茫沈宦海碌碌送浮生逐日籌鹽米無人記姓名
衰況多病家在未忘情昨有山中信山田猶廢耕

李秀才招小牧作涵江之遊聞而羨之

風流閒別駕招飲又奚辭村路花千樹江橋笛一枝
如迎客笑月與放船遲便借讀書榻臥談官閣詩

卓峰草堂詩鈔

卷十

七

幽居

幽居無別營過雨便宜晴汲井得古意捲簾生遠情
閒花偏解笑野鳥不知名莫漫相呼覺秋堂午夢清

覽鏡

顧盼誰青眼艱難已白頭平生吾與爾閱盡喜兼憂
對酒月易墮看天雲正浮茫茫此終古更上海東樓

對菊漫興

開後幾枝菊便須移酒尊晚風遲曲徑秋雨靜閒門
寂寞能無伴飄零且莫論醉餘有鄉夢偏戀舊江村
官罷誰歸得秋深倍覺寒空驚時節換聊當故園看骨

傲霜初勁香清露暗團等閒成白首著到白衣難

閒況

砌蘚老猶綠籬花寒更明閉門臥秋雨掃徑待天晴久
信世途窄祇餘貧味清十千沽一斗判以酒爲名

醉後偶述

讀書搜世患肝膽向誰論花月新詩稿湖山舊酒尊皇
天留我在何處報人恩惆悵平生事閒居獨閉門

陳灼庭同年于役都門計期將旋詩以憶之

一路厭秋色征車何日還又添新白髮空對舊青山井
竈復存幾兵戈猶未闌

卓峰草堂詩鈔

卷十

六

廟堂憂不細親切記

天顏

別掖門

臨水送君發江聲潮亦東晚花依岸白秋樹得霜紅未
免別離感將毋辛苦同前行各有路不必問窮通

柬陳叔安

故人半存沒老態益婆娑天意容高臥生涯抵嘯歌新
尊黃菊淡前書納病愈賞菊舊隴白楊多日暮聽鄰笛能無喚

奈何

懷煥堂太守

所憂非盜賊盜賊况兼存大帥龍蛇蟄羣兇虎豹屯艱
危悲宦轍食息苟

君恩何日清遺孽歸同酒一尊

遣婢

其年已長大此境頗艱難爾力猶竭嗟予心豈安琴
尊千日侍花柳一庭寒便是酬思處登車有淚彈

歲晏鄉思

躬耕愧往哲羈客意如何尊酒對風雨舊山荒薜蘿書
來情轉怯別久夢先譌比屋稻梁熟歸鴻日暮多

江閣

卓峰草堂詩鈔

卷十

九

異鄉久爲客江上一登臨落日獨悵望閒雲多去心天
寒已至此人事漫如今欲覓一尊醉梅花何處尋

寒夜課荔兒讀

幼子亦復幼一燈同讀書當年記約略他日定何如身
老尤憐汝家貧且慰予夜闌霜月苦清氣動蓬廬

月夜東吳伯鈞並懷亡友劉星查

徃徃不相見東西溝水流夜來一片月分照兩家樓吟
侶去如昨異鄉禁幾秋江南梅信斷舊夢只悠悠

卓峰草堂詩鈔卷十一

宜黃 符兆綸 雪樵

南臺憶友

故人各分散遠望空徘徊日暮雁鴻杳天寒風雨來荒
唐猶說劍潦倒已停杯惟見長江水滔滔繞舊臺

樓望

高樓亦寂寂長路何漫漫雲作古今態雨增天地寒蒼
山自臨水白首偶憑闌安用悲人事餘生付達觀
久不過鼓山寄超上人

精廬本人外禪榻況山深明月記前宿白雲生遠心松

卓峰草堂詩鈔卷十一

門耿斜照桑海立孤岑擬挾舊詩卷一尋鐘磬音

招友人飲酒

世外有高躅塵中非夙心山雲生倚杖江月對彈琴人
事自然罕天寒如此深可無其尊酒今古杳沈沈

寄家

山深當歲暮風雪掩柴扉遠道信方阻鄰家人已歸兒
孫開舊卷姑婦理殘機勉守固窮節時艱生事微

除夕述懷

一貧百事廢乃得作閒人風雨看成暮湖山坐待春紀
年詩卷在餞歲酒杯陳轉笑癡兒女喁喁夜達晨

別峭巖司馬

庚申

低頭入仕版分手記名場在昔忘年友而今皆老蒼閒
雲栖海嶠春水上河梁那不感離索故人兼故鄉

柳花

短笛無端咽長眉可奈颺東風三月暮流水一年春鶯
語驚前夢萍蹤幻後身問從溪上過應見浣紗人

對月

酌酒對山雨雲陰江上臺江風忽吹散山月獨徘徊正
爾金波麗何來玉笛哀山中有桂樹江客好歸來

漫感

卓峰草堂詩鈔

卷十

二

血作一湖水魂飛萬嶺松錢江沈健弩靈岫斷疎鐘猿
鶴委新化豺狼當要衝便應固吾圉莫僅指邊烽

軍聲撼閩嶠殺氣薄姑蘇風雨悲王會山川在霸圖荷
戈健兒盡納粟衆官麤爲報仙霞嶺臨關賓從殊

慘慘關城氣茫茫江海流當春苦霖雨徹夜叫鴉鷓有
故爭攘臂從新放出頭中興是何象喪亂那容休

使者紛冠蓋經過舊戰場可能手實法醫得眼前瘡林
木猶巢燕荆榛尙斧螳閭閻氣垂盡何處問蒼蒼

曾欲漏卮塞固知流毒長至今斷腸草難覓返魂香功
罪猶難定空虛實可傷何須尋戰鬪民困日流亡

借箸方籌餉專征又督師沿途薰酒肉隔嶺望旌旗軍
莫同兒戲人知爲己私誰言諸驛吏奔命亦云疲
燕雀嬉堂日伊誰戒積薪儘收言利客不用讀書人此
錯焉能鑄端憂未敢陳諸公况世胄何以答

皇仁

三年憂未遣千里信仍稀

故鄉曾陷賊三載今又戒嚴

契濶疑生死

傳聞果是非可憐安所藉堪歎不能歸倍使天涯客飄

飄淚滿衣

故人入我夢一續平時歡戚戚生何益沈沈魄已寒勢
眞成獨立書尙勸加餐想比世間樂無傷行路難

卓峰草堂詩鈔

卷上

三

老病百端至一身如贅疣况兼塵滿眼能免雪盈頭弱

子猜遲到

端兒自家來
聞久望不至

微官愧早休無聊此身世倚徧

酒家樓

釣籠臺置酒

昨日繁華地淒然生綠苔今朝一尊酒空上越王臺風
雨縱橫甚江山轉側來如何攬形勝只是使心哀

古意

意氣讓齊奴高樓隕綠珠何勞施步障不在碎珊瑚春
冷尋香蝶秋啼織錦鳥祇憐上山路含恨舊靡蕪

不寐聽鄰家理箏

春殘更多雨夜短尙無眠只管思閒事無端老去年依
依對蘭焰切切感冰絃不用含幽怨人生盡可憐

旅舍仄甚偶賦一詩示兒輩

擾擾干戈日殊方著處家天陰橫殺氣地僻罕生涯綠
暗齊檐樹紅明繞砌花所憂難負荷安敢慕紛華

送吳堦

憐予猶作客送汝一登樓風雨孤帆暮江山萬里秋艱
難唯乞食漂泊可勝愁自顧摧頽甚平生事盡休

夜坐

夜涼孤館動螢火入簾飛幾卷舊書在百年生事微酒

卓峰草堂詩鈔

卷上

四

懷因病減世態逐年非行歎亂離甚坐來消息稀

東朱櫻船

此日一尊酒當歡仍悵然又荒吳苑月久阻廣陵船世
變終難測生涯絕可憐乘時亦須命不擬上凌烟

晚涼重過西溪

落日千山暮殘霞一水明竹深通鳥路莎淺得蛩聲此
境偶重到無人方獨行論詩愛郊島的的見平生

遣憂

未死判耽酒平生嬾讀書人心已寥落天意定何如江
海秋風動關城夕照虛小西湖上路可許老騎驢

遣興

靜境閒全得生涯病
不妨苔添深院古
雨剩昨宵涼
舊卷伴兒讀
新醪邀客嘗
自判老詩叟
心力耗詞章

柬小牧

且作園林主
尋常喜客過
雨涼三徑竹
風定半池荷
到此詩情遠
憑添酒債多
繁華競吳越
爲問近如何

獨坐

綠竹含新粉
青桐展舊陰
寥寥感知已
落落見琴心
事到閒居省
情於獨坐深
買山計不就
望遠一沈吟

送八弟紳乞假旋里

卓峰草堂詩鈔

卷上

五

一官仍拓落
千里復馳驅
烽火來時路
荆榛去日途
乾坤愁著我
家世誤爲儒
一笑何毛髮
凌烟閣上圖

古意

卷幔見新月
披襟生晚涼
美人在何處
寶瑟寂空堂
時有杜蘅氣
遠隨風露香
夜深轆轤轉
秋思滿銀牀

梧桐

亭館有餘清
梧桐秋夜晴
露枝雙鵲定
風葉一蟬驚
盤錯心猶在
蕭疎氣已平
廣陵調將絕
知已若爲情

夜坐

露坐此間榻
月明何處樓
星河低向曙
梧竹靜含秋
歲

月人驚速湖山客強留憐他健行者途盡也須休

晚霽

亭館晚來清斜陽忽放晴養苔餘雨氣種竹得秋聲作
字手頻顫觀書眼尙明悠悠百年過何以慰生平

小病

小病卻當秋微涼別院幽便看梧葉老更替槿花愁晚
蝶無端麗宵螢只欲流長河終浩浩感別一登樓

南樓

一雪南樓涕乾坤莽甲兵暮寒變山色秋力助江聲蕭
瑟平生氣艱危故國情憑高望不極斜照下邊城

卓峰草堂詩鈔

卷十

六

微雨偶述

地僻心常遠雲陰雨又成門庭得秋氣子弟有書聲窗
竹不改色晚蘭方向榮肯緣塵世事負此舉家清

寄叔安

君作無家別有家予不歸衰年矜骨肉久客敝裳衣江
海身孤立風霜物盡非何須今白眼術早與時違

生死關同類安危屬亂亡江山久樵悴風月太悲涼纒
緲哀公治文章慰子長

叔安以著
作相助

言歸老司馬應亦泪

沾裳

謂宜
泉

閒庭

甚日俗緣盡閒庭涼意生悠悠看世事的見人情秋
樹老將至夕暉寒更明草蟲陰切切疑有不平鳴

古柳

有樹已如此無風甯不寒到今蕭瑟盡終古別離難自
信黃楊厄何勞青眼看唯應倩修竹日日報平安

古柏

天地蕭條極風霜閱歷深豈能辭剪伐悔不老山林辛
苦容螻蟻啣啾聚野禽文章亦何用自保歲寒心

送別張煥堂太守

千里殊風雨三年困甲兵何人吹玉笛秋思滿江城屬

卓峰草堂詩鈔

卷上

七

望深知己無能愧此生平生幾歡笑此別重屏營

送別

罷酒卽長路憐君成獨遊風霜困行李烟月夢江樓轉
爲多才累堪嗟壯志休偏逢下馬客笑說爛羊頭

述懷

斷斷無他技偏難望有容人嗟范孟博我愧郭林宗淪
倒車前笠淒涼飯後鐘了然此身世更莫羨屠龍

感秋

蕭颯風初勁蒼涼日又低賓朋秋葉散兒女夜烏啼終
歲客心迴連宵鄉夢迷何由訴眞宰莫覓上天梯

寄樹人

奔走甯長策

樹人時于
役漳州

艱危况病身自然成拙宦誰竟

惜斯人竹閣涼邊夜桃源別後春

屢同招
秀君飲

讀君書一紙

遲我酒三巡

遣興

亂後故山在片雲何日還原難可人意不易濟時艱風
雨朋尊散江湖老病閒何煩更拘束花月與全慳

得家書

日久望書至得書心轉寒來人非造次傳語幸平安瑣
屑陳家事殷勤勸客餐豈期今若此不覺涕洟瀾

卓峰草堂詩鈔

卷上

八

雨

倒傾河漢流一雨不能休分作萬家淚釀成千種秋風
聲驕海樹雲氣壓江樓悵悵老夫望苦吟低白頭

月

一片東山月遙從海上生分明容百怪浩蕩寄孤情千
里雁鴻影萬家砧杵聲旅人有鄉夢分路各西行

東米臞伯

無才日衰老慷慨欲如何江海故人少戰場新鬼多秋
聲落高樹夜色洗明河空寄冥冥想飛鴻繫尉羅

偶然作

古風存漢魏流響及齊梁競欲新聲效幾合大雅亡天心憑寄託世變驗文章安得隨黃鵠舉雲覽大荒

獨夜

林疎延月色葉落散秋聲况感經時別能忘獨夜情淒涼絃扇棄帷悴葛衣輕明鏡朝來啟應多白髮生

庚申中秋書懷

帶甲愁來滿賊據蘇州浙杭旦夕戒嚴觚稜夢到難天青懸

北闕頭白戴南冠草木三山變風霜萬戶寒殷勤望明月心事五雲端

期宜泉不至

卓峰草堂詩鈔

卷上

九

滄海遲歸客秋風已滿城得毋傷世變久已薄儒生瘴癘全家寄流亡滿目驚聞吳越難民多渡海至者卻憐舊時月親切

向人明

獨坐

獨坐轉依依宵涼秋氣微風聲當樹勁星彩近河飛鬢髮愁應老關山夢不歸無由避塵網不是不知機

感興

驚鴉無去影斷雁有來聲隴畝稻梁盡關河戍火明何方避矰繳不盡感哀鳴予欲謝時去飄搖鸞鶴情

秦淮曉別圖

萬頃荻花外茫茫江水流淡烟高閣曉斜月片帆秋往
事真如夢爲歡易動愁六朝金粉盡圖畫可容收

湘江秋泛圖

携將秋色去隨雁渡瀟湘萬頃水花白半林霜葉黃江
山贈行旅風雨泣詞章記得懷人處留詩在岳陽

送別

雨入啼猿夜風高度雁長孤舟浮一葉前路渺無津江
海荒寒氣關山戰伐塵何由五畝宅耕種託斯民

再寄高樹人

江水日沄沄離情不可分夜心寄明月秋色老孤雲舊

卓峰草堂詩鈔

卷十

十

夢青羅帶新詞白練裙

樹人有詩云偶然回首見神仙

避面尋春愁煞杜樊川蓋爲洛香主人風流翻落魄重

感杜司勳

寄懷左掖門

滿目悲生事高秋憶故人側身方覺老亂世敢辭貧元
傲霜前菊蒼涼雨後蕪東湖烟水濶枉自慕垂綸

寄懷葉峭巖

落日下荒戍秋風吹古城相關千里道別具百年情輾
轉瘡痕甚蹉跎鬢髮驚讀書期世用爭不及隆平

別思

碧柳綠絲綠清溪白石橋求凰七絃促去馬五花驕羅
帳懸秋月香衾夢早朝當時下階處淚滴海棠嬌

秋晚

別復值秋晏離居安可任霜嚴無勁木月黑有驚禽耿
耿終宵坐寥寥獨客心亦何與人事兒女動沈吟

和友人城樓晚眺

閒淡雲天在樓觀今昔同亂鴉翻夕照獨樹立秋風歲
月去人速江山徒爾雄羽書數徵餉凋敝已南東
東山尙絃管南國徧旌旗烽火連千里衣冠此一時蒼
蒼未可問陸陸欲何之日暮聞吹角危欄獨下遲

卓峰草堂詩鈔

卷十

十

再送八弟

千里愁邊路三年夢裏家江湖聚寒雁風雨促歸鴉爲
爾一尊設看予雙鬢華異鄉漫流落不敢問柔麻

憶南湖

拋卻三十載城南千頃湖秋風動蘭芷夜雨長菰蒲在
昔追隨好予少日偕同人夜過南湖上橋寺納涼賦詩
有晚鐘高出樹涼月動隨舟之句爲祝愛廬
師所賞而今消息無歸來可相識汎汎幾鷗鳧

和元人楊仲宏詠物詩十首同叔安作

焦桐

樵悴憐予尾艱危厲此心孤生逢浩劫何處託知音月

冷常侵座風悲半在林徒薪誰早計上客漫如今

蠹簡

食古猶難化生涯幾卷書編摩徒自苦咀嚼果何如蠹
蟻藏深甕蝸牛守舊廬直須高閣束無力效驅除

殘畫

未解通靈去殘縑幾幅留每當風雨夜倍覺水山秋珍
重持寒具蕭疎作臥遊凌烟亦銷毀莫認舊王侯

舊劍

鉛刀矜一割女器盍深藏有客慙空手無人信俠腸龍
泉艱遇合牛斗斂光芒交不忘貧賤猶應進尙方

卓峰草堂詩鈔

卷十

破硯

不期爾亦破轉覺筆無神田父更相笑石交猶可親山
河驚舊國几席掃餘塵此物傳家久羞存乞食身

廢藥

一點靈光在平生爾是依短長何必較棄取慎其微塵
海星霜換荒山雨雪霏可堪拋舊卷頭白素心違

塵鏡

雲掩虛堂日月沈滄海時本來無我相難必有人知用
晦紛堪息生明照亦疲何須肆諛詠老不畫蛾眉

斷碑

鸞鳳真飄泊蛟螭牛晦冥縱能爭沒字難藉辨遺經偃
蹇怪藤臥摧頽幽蘚青問誰鑿造化絕夜門風霆

敗裘

萬物日凋敝獨當天地寒江山蘇武節風雪子陵灘歲
儉彌縫苦年深熨貼難不堪重質庫早是酒痕乾

臥鐘

流水空山外斜陽淡到門樓荒羣鳥聚院古百蟲喧陌
兩今無忌功名笑孰存縱令堅不起瓦缶敢同論

驟寒

裘敝不堪裏驟寒欺老夫三軍猶帶甲幾客尙江湖驛
卓峰草堂詩鈔卷十

三

使梅花阻鄰家濁酒沾多君恒戀戀不與故人殊

薄醉

傾囊謀一醉醉亦不成歡忽忽思家事悠悠生暮寒山
川空悵望風雨漫闌珊并覺吾衰甚終悲獨醒難

早梅

寒梅開故枝春信隔年期明月相思夜空山獨立時流
香松下屋照影竹邊池至竟含冰雪幽懷發洩遲

寒望

山家風雪早寒望意何如白首爲羈客青林換舊廬蹉
跎高士傳惆悵故人書援鶴空相笑移文重警予

柳

誰種關城柳婆娑已十圍涼烟時自卷病葉偶孤飛蕭
瑟逢征騎殷勤拂客衣陶家舊門巷何日得言歸

客至

身閒覺晝長院冷煮茶香老屋過疎雨空林明夕陽客
心塵外遠詩卷坐來商輒便陳寒具相從不裹糧

月六

貧家易得月燈燭闇無輝萬籟此時寂孤鴻何處歸冰
霜催歲晏星斗挂檐稀一卷殘書罷深宵捲薄幃

贈朱櫻船

卓峰草堂詩鈔

卷十

十四

一年今又去萬事果何憑世亂官如戲家貧鬼亦憎驕
嘶燕市駿變化海天鵬暮雪山陰道風流興且乘

書叔安有感詩後

孤臣懷耿耿大地日蕭蕭有淚灑荒野無功答

聖朝甘泉照烽火陽管寂蕭韶行路難如此端居恨肯
消

詠史

門戶萬千啟人才重叠升敢言公竟醉笑問客何能攘
攘鷓鴣爵營營驥附蠅依然席恩寵何以佐中興

別思

客居感時節人去賸相思况是梅開候剛逢月上時一
寒今獨覺絕豔古同悲水遠山長路能令夢到遲

偶成

夢中語云小雨客至
輒復稱佳因演成之

客至亦可悅雨來良復佳遂令開酒路兼得洗詩懷世
味竹能淡俗情梅不諧蕭然抱古意吾更高吾齋

病中送丁韞石太守于役都門

聞別卽作惡送君嗟未能重雲渺津樹寒雨耿窗燈老
病予滋甚江山興且乘

君門非萬里

時在熱河

聖駕氣象卜中興

立春前柬叔安卽題其登北園詩後

卓峰草堂詩鈔

卷上

五

蕭然臥風雪餘興寄湖山草屨何時著柴門不用關偏
來漂泊感儘益鬢毛斑寂寂看春色天涯今又還

雨過安叔

風雨送殘年非時欲禁烟客來仍裹飯偷去尙留氊安叔
寓被竊帶草肥何益梅花瘦可憐未知滄海上春色爲誰

妍

庚申除夕

投足疑無地戴頭仍有天艱難到今夕歸去是何年老
態已多變生涯空自憐一杯祭詩酒強飲且陶然

早春

似此天涯路其如芳草何東風動南浦吹綠舊時波花
月閒情在笙簫舊夢譌可憐春婉婉禁得幾蹉跎

春夜

獨坐理殘箏無情卻有情當花春月豔籠樹夜雲輕只
在牆東住何殊陌上行惱人眠不得飛出繞梁聲

寄江叟叔

多難家何在浮生夢未醒官卑容進退才大可飄零鬢
已塵途白山餘澤國青聲詩徹鐘磬憶爾道山亭

閒遣

性僻於時左身閒與病宜春濃不借酒計拙未妨詩貴

卓峰草堂詩鈔

卷十

六

客迴車遠驕兒上學遲鄰花亦解事分與過牆枝

喜聞

聖駕回京

草野新歡洽

楓宸舊澤多先聲銷盜賊浩氣溢關河

周室艱難業

虞廷喜起歌萬年

天眷在醜類欲如何

雨

無事卽甘寢有懷仍苦吟年衰衣履率雨冷屋廬深漠

漠新苔徑蕭蕭舊竹林寄書人不到濁酒漫孤斟

偶感

失喜家仍在

時得家書

殷憂盜數來豺狼紛格鬪猿鶴幾悲

哀賊據汀州連城復失守

白首逢多難蒼生誤不才春殘更風雨

莫問好花開

夜

雙鬢白成雪一燈紅欲花持書坐深夜乞酒到鄰家巷

僻稀聞犬圍荒獨聽蛙何煩更料理隨分卽生涯

戲贈

我懶已成僻卿言良復佳爲謀孔公醉卻勝太常齋春

卓峰草堂詩鈔

卷上

七

色還無賴時情每不諧累人腰屢折故故墮金釵

與友登越王臺有贈

風雨攜吟筆山川命酒杯誰知釣鼉客空上越王臺樹

密陰爭合江寒瘴不開時艱方待濟未免惜斯才

獨坐

杜門卽無事開卷且怡神一鳥鳴晴晝孤花戀晚春轉

同新婦閉尙有舊交親卻愧山林客漁樵許結鄰

晚春過米臈伯

瓶已無餘粟囊仍有剩詩干戈得談笑湖海動須眉半

郭半村處三春三月時落花白日靜不悔入山遲

夢諸亡友

海內幾知已別來相見稀
門閒長芳草酒盡看斜暉
齋志有人歿招魂何日歸
夢中慙歡笑情事轉依依

登樓

詩成視寥廓酒罷憶蒼涼
今古多詞客登臨半異鄉
山川留別路風雨送斜陽
更奈城頭角催人鬢欲霜

聞七弟鴻諤陷賊

可有歸來望徒深
急難情烏鳶待原隰
虎豹守關城家在久
分散誰能料死生
白頭鄉淚盡爲爾
更吞聲

再東益庵

卓峰草堂詩鈔

卷上

六

老作諸侯客飄零酒一杯
閒雲寄滄海斜照滿蒿萊
歷歷劫塵擾茫茫天地哀
書生有懷抱不上釣龍臺

答友

年華今老大意氣枉縱橫
世路行逾窄開門掩更清
山禽分旅食江月助鄉情
不擬將詩酒人間逐後生

憶蓮旭

亂離如此甚消息自然無
畢竟在何處等閒成老夫
風霜欺短褐烟月夢南湖
舊路越臺畔荒荒聞鷓鴣

寄懷李香萃

不記何年別逾深
此日情飢寒惟欠死
憂患得全生
江

上酒尊在天南詩筆橫吾鄉賢太守解重愛才名時在高樹

庭前老樹

枝葉枯將盡猶存未死心天非偏雨露地不礙山林培
植存元氣扶疎感舊陰人言鳥亦好相與護巢禽

咏六一泉池上涼風

不肯入城市此風殊覺高當花仍淡淡不樹亦騷騷勝
侶偶相命醉鄉宜可逃如何恃恩寵團扇不辭勞

得張煥堂觀察書時統兵克復汀州

風波忽山倒戈甲若雲屯萬族誰爭命孤臣自報恩草

卓峰草堂詩鈔

卷十

九

長思遠道花落掩閉門何限平生事歸來酒一尊

客思

客舍一輪月天涯幾度秋光陰自來往旅食儘淹留碧
樹無情老滄波繞足流愴然撫身世今古共悠悠

秋日雜詩

客居感時節塵世重離憂月暗螢專夜風涼竹耐秋但
知無事貴安用此生浮不敢如人處臣心壯已休時獄事將

解有勸以再仕者

秋風太淒厲落日漫沈吟倚杖愁偕立停杯病轉深有
書存故舊無憤寄登臨畢竟歸何處閒鷗一片心

輾轉逢多難支離剩此身偷生慙烈士忍死作詩人萬
物蕭條極千秋悵望頻徒言能作達暗淚在衣巾
平頭將七十家有病妻存鶴堦能無歎牛衣早不溫乾
坤新帶甲粘杵舊江村身世茫然意何時得細論
盡室睡皆熟老人常獨醒低垂雙鬢白兀對一燈青逝
矣歲時改淒其風露零吟蟲偏唧唧太息有誰聽

秋感

斜照下危樓雲將晚雨收枕櫛千樹暗砧杵萬家愁薄
海懷

明主孤臣感白頭得歸猶未卜烽火滿林邱

卓峰草堂詩鈔

卷十

三

獨立

蒼茫時獨立消息問邊烽夕鳥猶爭噪秋林已變容江
湖餘白髮天地入孤筇空繫西歸望蠻雲莽萬重

手足拘攣秋至轉劇感賦

天下有大病胡爲治一身瘡痍惟覺甚痿痺豈能仁萬
戶西風動一天明月新無端撫時序老淚又沾巾

東溪晚歸

勝賞重依違斜陽一笛飛回頭碧山暮濯足清溪歸草
木餘生在風塵舊侶稀從今來往熟鷗鷺亦忘機

爾豈因人聽淒涼故作聲自鳴天地籟不盡古今情落
葉填荒井斜陽下古城尋思亦無取白髮夜來生

月

一樣故鄉月照人如此愁東南虛半壁西北有高樓刀
剪生寒夜干戈格鬪秋底須映江水光采動潛蚪

東叔安

兩月斷過從窮居自賃春非秋常落葉不夜亦聞蛩一
飽知難必千詩興未慵轉孤故人意付以杖鄉筇

宜泉
贈叔
安與予藤
杖各一

聞蛩

卓峰草堂詩鈔

卷十

三

燈暗月無波聲聲奈爾何自然同調少畢竟得秋多客
舍正風雨故山荒薜蘿予愁亦欲絕相續有長歌

中秋

異鄉長兒女令節憶家園况對中秋月彌思老瓦盆
鹽籌健婦燈火聚童孫亦解安貧賤其如盜賊存
盜賊經過處久無雞犬喧天心未厭亂人事總難言秋
老山河變望窮雲樹昏笙歌趁良夜光采幾侯門

憶八弟海門

經時念弱弟滄海寄微官不必風波惡須知行路難衣
裳分更薄書札卷仍看雲樹蒼茫極高秋莫倚欄

滅跡

滅跡甘寂寞乘時知幾人秋風入庭樹旅雁斷關津大地滔滔勢長安擾擾塵孰知滄海上涕泣有孤臣

贈孫小嵐別駕

尊酒罷持螯西風旅雁勞便看成債帥安肯負詩豪顧我逢搖落多時感鬢毛可憐滄海浪回首滔滔舊友劉左

黃劉星查吳伯鈞俱下世

書林錫三庶常東際樓感懷詩後

高雲曾出岫倦鳥且歸林不盡長沙涕其如魏闕心龍髯攀莫及猿臂掉相尋日暮山樓雨荒荒自古今

卓峰草堂詩鈔

卷上

三

題唐益庵詩卷

老筆生新豔愴然天地秋西崑餘此席東野不同流四海幾青眼百年今白頭飄零一杯酒氣壓五諸侯曾襄軍務

漫興

豈無抱關者執轡與誰論已老知難報微生敢受恩蒼黃一闕市雜選五侯門卻讓於陵仲窮居獨灌園

雨中

一雨斷來客蓬門終日關竹陰連巷靜苔色上階閒讀書無寒具貪書有老慳生涯同食息倚杖暮禽還

晤江弢叔

握手轉無語曾勞思萬端不期今我在重見故人寒別
後事如此將來時益難隨身一詩卷留著與人看

長至日書懷

世亂人偏老山深歲又闌音書千里斷風雨一家寒時
節蕭條極生涯去住難幾時看戰馬盡解雪中鞍

吾廬

門閒過客疎吾自愛吾廬微霰竹窗集淡烟花徑餘此
間非辟世所事不關渠羸得鄰家說老人常讀書

聞蓮旭携妻浙遊杭州城陌絕無消息疑其死矣

爲一詩哭之

卓峰草堂詩鈔

卷上

三

看君窮至此天道信何如自賃梁鴻應誰求司馬書平
生眞負爾後死尙憐予落落都無著浮雲過太虛

寒甚

巷曲鄰稀處幽篁伴掩扉拋書惟兀坐賒酒數空歸雨
雪長鏡柄風塵短後衣如何逢彼怒不霽此寒威

卓峰草堂詩鈔卷十二

宜黃 符兆綸 雪樵

玉茗堂懷古

風流一代跡蒼涼
檻檻蕭然剩此堂
蔬草自堅名士節
茗花猶放隔朝香
官能濟物何嫌小
夢太傷心亦厭長
惆悵靈芝山下路
荒荒遺塚冷斜陽

春遊

輕寒輕暖二月天
流鶯喚人不得眠
半村紅杏過初雨
幾樹綠楊含新烟
山如識面正莞爾
雲自無心長悠然
羲皇未覺去人遠
步履且隨春風顛

卓峰草堂詩鈔 卷十二

卷十二

三聲兩聲布穀啼
三點兩點雨濕泥
菜花黃入破寺古
溪水綠浸平橋低
田夫上隴各驅犢
村女隔籬時呼雞
我遊汗漫恣所適
濁酒一壺行自携

落花滿地踏作泥
春草綠與春波齊
溪流曲折有閒意
林鳥自在無驚啼
我坐釣石濯雙足
人脫布袴扶一犁
但得年豐願已足
飽啜白飯酸黃齏

春寒釀雨峰峰陰
桃花紅出青竹林
一徑入村曲復曲
數家隔雲深更深
雞豚留客有真味
魚鳥親人無機心
何當卜築到此地
耕田識字忘升沈

尋梅

世外孤標迥絕塵閒携雙屐破苔新敢忘天地栽培意
同是冰霜閱歷身一掬寒波涵瘦影二分明月寫全神
饒君冷向風前笑踏雪能來更幾人

秋柳

秋江寫出態分明眉黛蕭疎恨轉盈生小風流真絕世
至今離別苦含情平橋冷落金鞭影舊院淒涼玉笛聲
我亦年來隨梗泛樹猶如此感浮生

旅夜聞雁

欲作家書且復休平安易說奈羈愁空階寒雨難爲夜
別館西風盡得秋烟水不堪傷滯羽稻粱畢竟乏良謀
卓峰草堂詩鈔卷十
無聊一醉誰呼覺畫棟珠簾舊日樓

玉山寄內

漫天風雪滯征鞍始信人間行路難若憤何嘗辭滌器
烹雌深念勸加餐離亭楊柳揺春夢別院梅花助曉寒
七百里途行一月計程何日到長安

遊虎邱

小隊遊船發權謳山塘春暖水風柔樓臺處處開生面
鐘磬泠泠落上頭虎氣千年沈霸業鶯聲一路過蘇州
繁華夢好誰曾覺來聽生公說法不

揚州

綠楊城上噪棲鴉紅板橋頭問酒家芳草至今思帝子
片帆催我到天涯一年春事拋流水半醉心情訪落花
無限香魂吹不起東風惆悵玉鉤斜

途中與鄧竹孫

春歸幾日柳成陰策蹇重將舊路尋北道話殘紅燭淚
南天飛盡白雲心落花自分應飄溷窮鳥何能更擇林
憔悴風塵兩遊子老親猶自望泥金

秋花

讓他花樣說新翻往事繁華且莫論解語寒蛩空寫怨
憐香癡蝶暗銷魂冷槐疎雨深深院衰草斜陽短短垣
卓峰草堂詩鈔卷上

卷上

三

悄立自傷憔悴甚羞將顏色冀承恩
敢怨東皇雨露偏託生遲暮總由天寄人籬下風初冷
送客江頭月正圓杖履未能追隱逸琵琶空復怨嬋娟
也思開口逢君笑粧點冬烘太可憐

次韻答鄒級甫

綱同年

同時憔悴各天涯有命方知願太奢壘塊澆殘燕市酒
飄零怨到鵲湖花鏡中遠客顏頻換夢裏高堂鬢有華
雨雪嚴寒思返哺可憐啼煞晚栖鴉

寄懷何師竹玉田幕中

軟塵雙騎別京華孤負同來薄笨車秋露自綰蘭茝佩

春波空浣芑蘿紗登樓王粲初成賦下第羅橫更憶家
知否重簾風雪裏有人夜夜卜燈花

清明後二日得何師竹玉田書

一紙書來右北平殊方珍重故人情雨聲短榻新愁集
花事長安舊夢驚飄泊飢鴻傷遠道驕嘶疲馬戀荒城
將軍竒氣難消得高詠南山射虎行

吹老東風杜宇聲天涯淒絕未歸情久判遠客朱顏換
苦憶高堂白髮生羊角鶯花空上已鵲山烟雨又清明
倦遊誰訊文園病孤負凌雲賦馬卿

遊龍洞

在禹登山山
有石甕二

卓峰草堂詩鈔

卷上

四

峭壁高飛萬仞青山中風景畫冥冥空潭雷吼雲陰黑
古洞龍歸雨氣腥往日泥橐尋禹跡何年石甕關仙靈
遊人愛說春光好爛漫鶯花麗錦屏

龍洞山一名
錦屏春色

寄懷祝坪孫

時司訓
樂平

淪落人間老鄭虔也同况味一青氈數竒不具封侯骨
俸薄仍慳買酒錢帶草春風生砌下檐花夜雨落燈前
先生此職休嫌冷爭似吹竽濫可憐

敢誇皮陸久齊名十載貧交比弟兄寒肯解衣憐范叔
狂思醪酒拜田橫看花遼海年年淚聽雨巴山夜夜情
兩月勾留聯榻卧一燈殘夢尙春明

重得何師竹書

一年兩度寄書來，逆旅光陰卽次催。
慷慨論交頻看劍，淒涼扶病強登臺。
簾前落日蒼然遠，天末寒雲鬱不開。
塞馬邊笳助悲壯，乾坤作意鍊斯才。

歷下喜晤余午階煥南同年

短策輕車出

帝京蒼然嶽色馬頭迎，落花水面重相聚。
芳草天涯盡有情，古歷亭空琴韻寂。
明湖波暖酒鱗生，緇塵萬斛憑湔洗。
得便從君放棹行。

新晴憶惺園時假館

卓峰草堂詩鈔

卷三

五

萬頃涼波拍檻浮，閒邊飛到但沙鷗。
烟圍綠樹深藏屋，雲放青山盡入樓。
楊柳折殘頻送別，芙蓉開老漸成秋。
待騎欸段知何日，忙到人間馬少游。

湖上歸舟漫興

身閒坐徧釣魚磯，嬾性從來與俗違。
湖水漫憑鷗鷺占，山雲只傍鵲華飛。
乍涼砧杵千家動，隨意烟波一棹歸。
濃淡文章看秋色，蘋花清瘦蓼花肥。

銘山招飲

尋常好武喜論文，豪傑襟期總不羣。
腕底萬花清比雪，胸中千竹活於雲。
敢隨龍尾稱名士，却要猪肝累使君。

麴蘖味濃塵味淡醉鄉慷慨策奇勳

秋日湖上漫興

井闌入夜響秋風葉葉驚看墮地桐北渚棲遲傷旅燕
西江飄泊望歸鴻斷非才大難爲用或是詩工易得窮
一醉何妨竟干日壯懷消盡酒杯中

三五頻來只舊朋蕭條旅舍類孤僧濕雲依檻頽難起
涼雨敲窗冷欲膺蘆葉綠圍棲鷺嶂松枝紅剪罩魚燈
懷中割盡文通錦題徧湖山恨未能

疊韻答似山久雨見懷

未盡消磨是寸懷高秋約伴幾登臺別親風雅盧王體

卓峰草堂詩鈔

卷十

六

小試衙官屈宋才鷗渚晚波雙漿泊鵲華涼雨一尊開
蓼蘆白湖心屋住穩詩人鶴好來

湖上夜歸聞雁

晚風扶醉上扁舟燈火淒迷指暮樓岸澗星河全浸水
天空鴻雁遠橫秋故園書札經年斷大地關山倦客愁
飄泊一身歸未得的應輸爾稻粱謀

宿銅城驛寄惺園

離別重傷骨肉情登高幾度望平陵病身差喜秋來健
生計仍愁力未勝古驛日斜驅倦馬荒城風急下飢鷹
遙知相憶詩樓夜挑盡看書一穗燈

途中憶松塢山房寄吳介眉

世祜

秀才

此身爭得卧雲間，擾擾風塵久未還。
愁外青天一行雁，夢中紅葉萬重山。
聯牀曾記聽仙梵，攬鏡空憐換客顏。
深澗流泉清自蓄，莫教容易到人間。

秋晚東平幕中雜感兼憶大明湖之遊卽柬同年

劉蕉坡舍弟惺園

未應豪氣便消除，蚰舍何妨處士居。
聊以詩書爲翹櫟，本來天地亦蘧廬。
寒花籬下無多豔，病葉枝頭已半疎。
我是竟陵舊賓客，重敲吟鉢意何如。

曾乞明湖滌性靈，峭華飛送眼中青。
秋烟澹處移輕櫂

卓峰草堂詩鈔

卷七

七

斜照紅邊上古亭，沙鷺分涼成主客。
水花含淚怨飄零，舊遊處處題詩在。
應有騷人展齒脣。

早晚西風歷下涼，幽蘭澤畔感餘芳。
丈人愛結棲鳥屋

劉眉生舒自庵
二丈不時存問

貧士來分餉鶴糧，自分出山成小草。
但

思種樹卽甘棠，風塵青眼無多在。
感遇酬知淚幾行。

天涯樹樹盡秋聲，賦罷登樓感又生。
鴻爪縱橫寒士跡

豬肝珍重故人情，惟應鮑子能知我。
轉覺元方忝作兄。

咫尺嵒山何處望，寥天無際暮雲平。

過趙北口

東風暖到白溝河，夾岸垂楊媚綠波。
漁網破懸斜日曬

馬蹄危踏斷橋過燕南趙北途長數王後廬前伴若何
到及長安花事盛春光九十半蹉跎

宿揚州

何處風前有玉簫離心繫徧柳條條夢回故國三千里
月墮揚州廿四橋騎鶴已憐塵境換啼鴉猶要客魂銷
書生落魄尋常事如此江山久寂寥

重九日偕七弟鴻諒三兒任溪西閒步

灑然踈雨過柴關珍重歸來一味閒秋草綠邊尋古徑
夕陽紅處見他山十年塵事難回首九日芳尊合解顏
好在清湖潭上水不添波浪到人間

卓峰草堂詩鈔卷士

溪上

八

尋常拋卷愛閒行隔斷紅塵境更清寒水淨搖孤塔動
晚雲低截亂峰平過關旅雁頻分影時予仍將北行
惺園亦往吉州繞
樹飢鴉故作聲如此故鄉難久任教人爭不感浮生

舟中漫興

酒邊萬感暫消除小買扁舟可讀書村樹半紅秋雨夜
水花全白晚烟餘林間歸鳥聲何樂波上閒鷗夢亦踈
日暮行人去不息浮縱笑我定何如

蘇臺懷古

一上高臺寵眷新六宮粉黛謝橫陳捧心只合終憐爾

嘗膽誰知竟有人野草淒迷香徑雨殘花瑣屑屨廊塵
浣紗翻羨當時伴貧賤年年守舊津

京口晚眺

興亡舊事恨難消放眼江天酒一瓢斜照寒生京口樹
朔風怒捲海門潮時清鼙鼓聲長寂令肅魚龍氣不驕
千古中流憑砥柱屹然兩點看金焦

初夏漫興

背人時節去如流無術千時只合休佳樹蔭權添午睡
落花堆砌賸春愁中年酒病無端甚往日名心併欲收
閒看一囊羞澁慣長飢便擬學留侯

卓峰草堂詩鈔

卷二

九

中秋書懷與黎定叔時予有山左之行

縹緲涼天旅雁聲秋心一倍感春明貧居故舊肝腸熱
塵海年華鬢髮驚篋裏關山風漸冷鏡中樓閣雨新晴
幾年貪看明湖月殘夢迷離記不清

晤馮子良卽別

相見燕臺已暮秋一尊閒話兩年愁別來人事仍多故
留滯天涯豈自由生有肝腸思任俠分無骨相取封侯
黯然直欲魂銷盡零亂西風葉打頭

別朱春舫

履恒 同年

人生四十始相見百年相見能幾回典衣沽酒聊復爾

拔劍斫地胡爲哉手持仙人綠玉杖眼空燕市黃金臺
我到岱宗上絕頂太行山色青飛來時春姊將往山右

次韻吳秀庭啟南同年贈行

五陵裘馬自翩翩來往塵途損壯年關雪白消鴻爪外
予春初冒雪過穆陵關岱雲青到馬蹄前相期未擬終彈鋏此去
仍知不值錢聚散一尊增感觸蕭蕭落木正無邊

早行

不等雞鳴已出門纔從馬上怨黃昏樓臺寂寂都疑夢
星漢離離欲斷魂秋老客衣仍未換夜寒杯酒可能溫
聲搖鈴鐸光搖火知過荒郊又幾村

卓峰草堂詩鈔卷上

十

上黃樹齋鴻臚

時典試山左

南北江聲寫壯遊先生戊子主江南試海山重此攬高秋十年姓

字

金華重一劍人才鍊網收祖述幸分山谷派客行空上
仲宣樓追隨千里霜蹄蹶回首燕雲莽莽浮

重遊大明湖

常時風雨夢閒門曾住明湖岸上村雙漿狎鷗來柳外
一燈捕鱉隱蘆根稱心山水曾無恙往事鶯花且莫論
生怕秋波照客鬢斜陽影裏易銷魂

重過湖上寓齋有感

玲瓏窓格上湖光醉過詞人酒百觴舊夢分明花外影
短衣珍重柳邊涼青浮別港多秋雨紅戀閒門半夕陽
不識芙蓉爲誰苑烟波無限九迴腸

贈嚴問樵

最閒身手最憐忙意氣縱橫翰墨場除却耽書有何癖
莫因嗜酒便嫌狂蘆花門外多秋水柿葉村邊半夕陽
屈指百年三萬六中年情味怕淒涼

昌樂署中別謝少衡

雁行南去客東行怕向尊前動旅情昨夜一燈有鄉夢
天涯萬樹是商聲却緣文字交逾厚便忍飢寒累豈輕
卓峰草堂詩鈔卷十
疎雨淡烟秋老盡重驅羸馬出荒城

十一

秋晚途中書懷

登樓一雪涕縱橫秋老羈人尙遠征敗葉聲兼殘雨下
寒蕪影接暮烟平嚴程日暮愁行客僻縣年荒罷戍兵
表海雄風心偶壯鬢絲蕭颯若爲情

濰縣贈招銘山明府

匹馬臨戎膽氣驪使君雪夜策平吳

新正七日濰縣教
匪滋事君奉檄前

驅冒雪日
行二百里

尙能螳斧懲前轍還藉牛刀善後圖霜冷已

凋官道柳月斜曾聽女墻烏

客冬過此書生尙作依人計慙

負昂藏七尺軀

登北固樓

六年四度此登樓，樓外長江天外流。
歲月悠悠雙鬢改，乾坤浩浩一身浮。
濤聲鏗鏘爭趨晚，山色金陵欲變秋。
已謝燕塵更南望，五千里路一歸舟。

哭鴻吉鴻章兩弟

傷心一哭軟紅塵，不料傳來耗又真。
初憂惺惺抵京得鴻章凶耗行抵蘇州知鴻吉及以疾卒
夢裏尋常吾見弟，意中肯信爾非人。
死亡相繼誠何酷，行李遲歸尙苦貧。
惺惺留京未歸
痛逝傷離頭併白

飢寒堂上有哀親

舟中遣興

卓峰草堂詩鈔

卷五

七

一舟漂蕩信風波，眼底秋光澹若何。
楊柳門低新水漲，鷺絲灘濶夕陽多。
客程煙月消殘，醉歸路雲山入浩歌。
不用旁人相問訊，生涯我欲買漁簑。

閒步至溪西而歸

只許沙鷗共往還，青鞋布襪趁蕭閒。
聲兼流水溪頭樹，影卧斜陽屋脊山。
到此虛名復何益，除他清福未全慳。
新詩只覺歸平淡，直與浮華一例刪。

落葉

新霜昨夜試長林，病葉衰條總莫禁。
鋪地儘容明月到，棲檐不礙冷雲尋。
曾經盤錯千重險，未死生成一片心。

轉綠迴黃等閒事斜陽紅處獨沈沈

獨行溪上東介眉劍泉竹人

一灣流水數弓苔耐可尋詩日往來落葉自穿閒巷陌
斜陽偏戀好樓臺雲山到眼終相識鷗鷺盟心本不猜
更欲忍寒邀酒伴前村已報早梅開

客有自京來者知惺園尙滯都門

見說深居又過秋長安米貴奈羈愁喫殘塵土甘黃蘗
倚徧門間負白頭風雨聲沈天外雁江湖夢醒月中鷗
讀書似比求官樂款段歸來馬少游

我爲飢驅更別家門前有路卽天涯驕嘶易感當轅馬

卓峰草堂詩鈔

卷三

三

歲月頻驚赴壑蛇蕭瑟江村舊楓葉寂寥山館早梅花
未應賦命都窮薄怪爾華年鬢早華

弟髮有白者

別子良明府

一事無成歲月虛側身天地渺愁予可堪失路長爲客
幸借名山再讀書

明府約予來歲主書院講席

良友殷勤心尙爾別

筵惆悵意何如溪山贈我冰兼雪萬樹梅花一筍輿

寄懷廖豸峰明府

時再被譴嶺南安置

豈料風波海上來青桐爨後剩餘灰相期只作千秋想
不殺難成一代才

聖主終寬羅雀網故鄉休望釣龍臺東坡去後君重到

且爲離支笑口開

秋日雜感

零落棲遲酒一杯
幾人躡足卽雲臺
斜陽寂寞登樓去
秋水蒼涼洗劍來
自信虞翻無骨相
誰言殷浩是庸才
憑他調語聊相慰
便擁臯比亦快哉

末句子
良贈

閉門旬日謝將迎
卧病相如四壁清
舊里溪山全在夢
殘秋風雨太無情
十千沽酒誰同醉
一種傷心畫不成
頭戴儒冠吾已悞
却憐癡子尙書聲

晚登信陽城樓

此來眞悔負初心
留滯行蹤尙故林
雁外暮雲千岫合
卓峰草堂詩鈔

卷五

古

鷗邊寒雨一溪深
閒身未許圖高卧
生計無聊付醉吟
眼底蕭疎胸次淡
每逢佳處漫登臨

暮春舟中

催歸費盡子規聲
多謝青山送客行
芳草一年春易老
落花三月水無情
漫憑狗監談詞賦
會學鴟夷變姓名
沽取村醪還獨酌
此杯曾不負平生

雨餘途中卽景

一雨涼生薄醉天
袷衣仍試晚風前
黏天青草欲無路
潑樹白雲將化烟
爭得塵心歸淡定
每逢佳景倍流連
中年蕉萃憐詞客
破帽爛衫強著鞭

與介眉溪上閒步戲贈

紅袖青衫翰墨場尋常消遣好年光分明烟月供殘醉
冷淡溪山送夕陽回首可憐歌舞地閒情合付水雲鄉
綠何萬葉霜楓樹尙學桃花媚阮郎

自題齋壁

三間矮屋竹編籬開到梅花第幾枝明月留人終夜好
白雲送客出山遲壯心自昔無多在萬事而今已熟思
勞本難辭閒更好讀書歸及未衰時

舟出老鶴河溯大江而上二百里懷古有作

幕府巖疆久不開長江浩浩接天回潮聲湧月疑東下
卓峰草堂詩鈔卷上
五
風勢驅雲自北來往日旌旗萬舟楫清時鐘鼓幾樓臺
風流人物淘都盡獨立蒼茫百感催

聞粵東警

堂堂都護統師來徒讀兵書已可哀濁浪驚回鵝鶴隊
腥風吹上髑髏臺難填瀚海消冤魄再鑄銅山定禍胎
聚米何人諳大勢安危須仗出羣才

次韻答黃筠孫

秋冲明經

風塵蕭瑟劍同磨落魄相逢恨總多似此形骸唯放浪
無端歲月已蹉跎癡餘謝客生天想狂到王郎斫地歌
便欲與君投筆去封侯須命意如何

閨上已日黃樹齋侍郎招集龍樹寺并閱昔年所
繪江亭展稷圖卷子

宦海難消靜者心禪關清悶耐幽尋流連觴詠親風雅
容易園林換綠陰臺省勲名能遠大溪山圖畫不銷沈
酒酣獨自臨風笑偏有閒花上短簷

贈別劉滄洲

士瀛

卽送之建昌廣文任

少年奇氣蓋南州老去狂名欲盡收嗜酒何辭千日醉
看花已種一生愁青山有約同携手白髮無端竟上頭
翻笑羅橫仍故態脚間夾筆敵公侯

幾回大笑幾悲歌苦海歡場不奈何風月至今惆悵在

卓峰草堂詩鈔

卷上

六

關山從古別離多一官此去儕猿鶴五畝全荒負薜蘿
眼底鄱湖烟水濶生涯我亦辦漁簑

讀史偶述

一劍伊誰請尙方橫行十萬事荒唐關中氣已銷龍虎
海上腥猶逐犬羊不見趙佗輸書貢徒聞陸賈壓歸裝
治安有策終投竄太息空餘淚幾行

贈同舟周少尹

三年京國感淹留

少尹待詔都門困極而歸

拋盡黃金剩敝裘作達

不須看墮甌得歸猶喜共扁舟英雄往事曾捫蝨歲月
閒時且飯牛此去江南宜酒味星星漁火燁天秋

重陽

重陽難得無風雨何處登高望故鄉鷺隔蘆花立秋水
鴉隨楓葉下斜陽歸心鄭重親年老旅食艱難道路長
却憶去年村釀熟蘊鱸稻蟹味同嘗

淮徐道中懷古

芒碭雲氣尙飛揚古社枌榆半已荒幾學祖龍傳幼子
便封功狗卽眞王英雄作事仍無賴富貴歸來偶故鄉
連日淮徐風復雨一尊閒領暮秋涼

寄懷丹徒嚴問樵

山左傾襟記昔年今來重放過江船草痕青斷淮南畔

卓峰草堂詩鈔

卷上

七

霞氣紅餘海上天

問樵曾宰蓬萊

三影吟成張子野百分空到

杜樊川閒居怪得拋官早第一江山第一泉

京口書感

寄奴城畔一舟輕劍氣無端不肯平曾慮北門虛鎖鑰
可能南國掃欃槍時揚威將軍過境風高雕勢盤雲上江急潮
聲湧月行四十年華雙短鬚壯心空傍酒邊生

過黃天蕩

落日西沈戰鼓聲風濤萬馬漫縱橫祇知旣倒瀾能挽
誰料偏安局竟成龍虎何年還就縛蛟鼉此日向爭鳴
英雄事去江流下天塹茫茫百感生

阻風登燕子磯

百丈危磯卓瘦筇，天風浩蕩客從容。
壽飛遠听如奔馬，山枕中流即卧龍。
暮靄江空帆幅幅，斜陽天澹樹重重。
何時醒得塵途夢，孤負僧樓一杵鐘。

采石磯太白酒樓

何處人間訪謫仙，烟波寒送秣陵船。
騎鯨去後無消息，倚馬詞高悔浪傳。
我寄愁心與明月，來携好句問青天。
乾坤放浪供沈飲，似此生才亦可憐。

阻雨江南讀雪汀金陵諸詩輒復有作

尋常雪涕到千秋，何況人愁我更愁。
萬古江流沈鍊索，卓峰草堂詩鈔

卷十

六

六朝山勢缺金甌，烟消柳色猶含恨。
風捲蘆花欲上頭，記取論詩聯短榻。
瀟瀟寒雨秣陵舟。

舟抵潯陽

南飛鵲盡大江東，千里濤聲捲地雄。
孤榜夜寒牛渚月，峭帆秋老馬當風。
艱難未識還鄉樂，流宕應知賦命窮。
放眼古今多少恨，壯懷消盡酒杯中。

宿湖口縣

片帆風雪渡江遲，眼底湖山又入詩。
晚浪白高津吏屋，踈燈紅上酒家旗。
聽殘楓葉鷗同夢，寒到蘆根雁獨知。
四度蓬窗見新月，尙憐難定是歸期。

將之楚南漫成四律

閒做柴門看夕暉
離歌忽破白雲圍
重尋王粲登樓去
纔是劉蕡下第歸
塵海風波幸無恙
故山泉石奈終違
臨歧別有傷心處
豈獨飄零淚滿衣

未行先已算歸期
祇爲親年已就衰
望我功名非一日
成家鹽米是何時
嫁衣太覺催人促
燈火猶憐向學遲
不覺百端到心上
爭教潘鬢不成絲

家風世世守清寒
熱不因人亦大難
少日與鄉同患難
多時爲客幸平安
要持門戶終須健
但檢釵裙已不完
辛苦封侯望夫壻
頭顱爭奈戀儒冠

卓峰草堂詩鈔

卷十一

九

栖栖齊魯復幽燕
如夢如塵又十年
花月消磨狂客刺
烟波放浪孝廉船
只緣嗜酒難成佛
肯學吹簫也得仙
楚雨淒涼楚雲淡
重將幽怨上湘絃

憶吳介眉江南

日日征鴻望爾歸
片帆我又楚天飛
三年已是傷心極
千里依然會面稀
蒹葭西風鱸膾熟
桃花春水鰕魚肥
相思他日頻回首
潦倒江湖兩布衣

大清詩

尺民圖

卓峰草堂

卓峰草堂

